

Minister drs. Marisol Lopez-Tromp ta informa:

Construccion di rotonde na Belgiëstraat pronto lo bin cla

ORANJESTAD - Minister drs. Marisol Lopez-Tromp ta informa cu construccion di rotonde na Belgiëstraat a cuminsa y cu esaki pronto lo keda finalisa. E crusada na Belgiëstraat pa basta tempo caba ta causa hopi angustia cerca usuario, especialmente durante horanan piek manera despues di 4'or di atardi momento cu hopi trahador ta bolbe cas despues di un dia na trabao. Ademas, hopi accidente a yega di ocurri na e crusada aki den pasado. Ministerio di Enseñansa, Asunto Social y Infraestructura y e departamento di DOW kendenan ta conciente di esaki a pone e aña aki como prioridad pa construi un rotonde na e crusada di Belgiëstraat pa asina yuda trece alivio na e

fluho di trafico eyan. Construccion di un rotonde tin varios beneficio tanto pa Gobierno como pa e usuario (chauffeurnan di auto den trafico). Pa Gobierno construccion di un rotonde ta relativamente mas economico. Pa e chauffeur di auto un rotonde a mostra di ta duna acceso mas facil y cu menos wardamento y por lo general e ta mas eficiente den regularisa trafico di diferente direccion. Construccion di rotonde ta otro muestra di inversion den nos infraestructura. Inversionnan den nos infraestructura ta garantiza entre otro accesibilidad di zonanan residencial, comercial y industrial, mayor comunicacion entre zonanan y productividad di zonanan.

Ademas caretera bon asfaltado no ta causa irritacion cerca e chauffeur pasobra e auto ta core suave y habitantenan no tin molestia di stof. E punto na aki tambe finalmente ta eleva nos calidad di bida.

Un bon estado di nos red di caretera ta esencial y vital pa desaroyo di nos economia y tambe pa aumento di comunicacion entre zonanan. Por ultimo Minister drs.



Marisol Lopez-Tromp ta pidi pueblo di Aruba, especialmente usuario, di crusada di Belgiëstraat un poco mas pasenshi pues dentro di poco construccion di

e rotonde lo keda finalisa. Una bes finalisa esaki lo trece hopi alivio pa e carga di trafico na e crusada aki. Ministerio di Enseñansa, Asunto Social y Infraestructura